


Hashihthü shing laihing Hunyeih



Vangsho-ü
Kahvangei
nethe meipü
shem



Nyangbü: Edward Hughes

Lajei lingbü: Lazarus

Lepbü: Master Clement Bujem

Sheteiphenei lingbü: Sarah S.

Büshah 60 kübü 60

www.M1914.org

Bible for Children, PO Box 3, Winnipeg, MB R3C 2G1 Canada
Nüngi neyuphei keyü hapa lai lingei nevaijü ngümei ngaihen aok.

Phom

Mechem Jisu kahdoknyülei nyupa, büpai laophülei nanglomthü kü vangsho jung ehamteke. Büpai hapa kü, "Ngelei Opalei Shem" shei nyükteke hatü halei nyushing longi nyüpeih shei e. Shemü longshi hatü nethe meishi nyüke.



Vangsho-ü kahdoknyü shem peü mü longshi hatü meishi nyüke.

1

Jisui e, "Ngei am shing shing hük temnung dainyeih. Ngei daiyei shing hük temphei kü ngei nyipabü yüükahen hatü ngei amphong yahhen."




2

Büpa dipü kübü yangphei kü Jisu vangsholei aong. Büpalei nanglomthüi veishi phum uoshing ku uotü Jisu vangsholei anlang.




3

Hapa hepak kübü-üng Khristanthüi Jisu yüükahen shei lahpü hatü jomphong müei aongdaihen shei epü deih-ei dangnyeih. Deih-ei nedangpü hepak kü Jisu ngangahük kü yüükahen shei eteke.




4

Shejao büpa mangyiü shekü didaipü Khristanthü büpa yüüjü mekei vaihen? Laihingi enyüke jomphongü Jisu mü nyunüng jiüshangi aongdaihen. Büm nenyupeyü Shembüpa mü nyuhen nyüke.




5

Laihing kü dohpü lai Shakei Vampü kü vangsho-ü mekei thamapü ha jung enyüke. Longi thamapü dao hükü hayaoha veijü Vangsho-ü Kahvangei shem nyüke. Kahvangü peü lemei nyüke, shejao büpalei ong uoshingü vangsholei nyüke.




6

Vangsholei vangsho phongshanthü hatü lebüthüi Kahvang kü khümnyüke. Hapakei Kahvang shennyakthü diyai vangsholei aongdaipüthüiao khümnyüke.




7

Jomi Kahvang men vih-ei meipü keshothü loknyüke. Halei jomi lokpü kesho kübü shahthü hanei hapakei:




8

NÜNGÜ CHANGPÜSHAPÜ
MEHENANGKÜ JAT HATÜ
KAHMÜK PEÜ KÜBÜ
NÜNGEI IY HOMEI
HAM KAHVANG
TOUEI
ANGEI ...




9

... LEITEKE HATÜ HAMEI
KAHVANG TOUEI NÜNGI
HAM ONGTHÜ HATÜ
NGONGPATHÜ
LEIHÜTEKE.
(Shakei
Vampü 5:9)




10

Laihing kü dohpü laipha kü vangsho-ü "Japa
Jerusalem" shei eyei nyüke. Hapayü ahshi longshi
hatü hao lemei longi shaopü bham showtüktü nyüke.
Hapalei bhamü jasper yaongi lingtü chüshaü kei
daüshi nyüke.




11

Hapa bham chongnyiamü yüknü hatü daovang
yangnthüi lingtü owlem longi kohshi nyüke. Hapa
chingnyü penyüsha peü longpü yüknü huki mon
lingtü nyüke.




12

Haleipü yüknü shadenthü mechemaö neküpnüh.
Jen halei shüei shinei veishah... Aya! Vangsho-ü
mongei-üng shao nyeishi meishi nyüke. Hapa
chingnyü-ü daülangpü hon daülangpü aina
kei lingei nyüke.
Chingshongao
honi lingei
nyüke.




13

Kahvangei ong uoshing kübü nethe meipü, daülangpü
yangnyuyem yung yungyen yenei shanyüke. Eden
pemongei shongei dangpü yangnyuyem pü yungyen
dangpongei nyüke. Hapa pü ahshi meishi nyüke.
Len ieyei bejük lem laolao anpünyi thahshi jüknyüke.
Hatü hapa pülei phenlakü jatthü meihühen
shingvaishi nyüke.




14

Vangngai shingvaishi vangsholei vanghe nevaijü lennyü napü neshiü. Kahvangei müknyinshekhangi thamapü vangngai mai nyüke. Halei vangnyak lanshei neshiü.



15

Vangsholeiyü yemhimakthüao hayaoha nyüke. Jom peü neketteinyu hatü mongjemshi nyüke. Shuw hi mi cheha nyi chem kü thüng hahnnyüke. Wong kohpü mailangiyao mohohbaong kei thüng hahnnyüke. Shembüpai, "Ngelei daülangpü kahshangei jom hüki hük mü neketteihen nevaijü nejüteihen" shei enyüke.



16

Jeni shinei veijü vangsho leipü dao hanei mahdaitü eenyüke. Mongshihpü shahthü halei ne-eteinyu. Üamao deyeilaoei nevaijü hahnempü neshiü.



17

Shemshaden kü sabi tala yüpshi neshiü; mehenangkü halei gühpa neshiü. Halei shahshem epü, jüteipü, thiphepü nevaijü nemeipü shennyakthü neshiü. Vangsholei mehe mangao neshiü.



18

Vangsholei Kahvang mü mükphi lanshei neshiü. Chemjem, Kahvang shennyakthüao hapa yangnyu mongshang homei thepnyüpeih. Vangsholei Kahvangi mükphi kemei thittükphahen.



19

Vangsholei dipeyao neshiü. Kahvangei shennyakthüyü den kü Shembüpa mü nyuhen. Halei mongmang, theppü hatü tüngpü neshiü. Tüngpü, yanpü hatü dipü neshiü. Vangsholei peü kemei Kahvang mü den kü mongongshi nyuhen.



20

Peü mü meipeyü, vangsho chingü Jisu Khristayü ngei Yemleipüba shei hinglempü hatü büpa kü ngelei Shembüpa shei ven danpü nethe nelathü shingvaishi nyüke (hatü behethü shingvaishiyao nyüke).



21

Vangsholei Mihalei Yangyem Laitap shei mentü laitap hük nyüke. Halei shennyakthülei men maei nyangei nyüke. Halei üpalei men nyangei nyüpa nüngi nyingnyüla? Jisu kü hinglempüthülei men nyangei nyüke. Nüngei menao halei nyüpeih shei deihnyüle?



22

Laihingei vangsho nang shompü shahthüyü thamashi nyükpü ha nyüke.



23

"Laangha hatü yükyahpai enyüke, 'Peikei!' Üpai dannya 'Peikünyeih!' shei etuh. Üpai yung lenya peikei. Üami nanya, hathüi yangnyu yung angkü yahhahtuh."



24

Vangsho-ü Kahvangei nethe meipü shem

Kahvangei Shah Laihing leipü büshah

Dangnyeih

Johan 14; 2 Korint 5;
Shakei Vampü 4, 21, 22

"Nüngei Shah shühahpai vangngai shuohnyeih."
Menvih Kesho 119:130

Jeni dao nemeipü dükteke shei Kahvangi nyingei nyüke. Mang shing hanghiyü dipü nyüke.

Kahvangi jen kü longi bampü nangkü büpai laophülei Ha Jisu shophang kü diyeh nüngei hang shemhen shompeih. Jisu yangei leiyeh vangsholei aongdai. Shaang Kahvangi jenei mang tükphahen.

Nüngi nüngei mang kübü mong lepei leihüjema, Kahvang kü ha etuh: Bambü Kahvang, Jisu ngei shing dypeih shei ngei nying hatü shaang yangei leiteke. Ngelei mongei shükei hatü ngelei mang tükshih, shejüang shaang ngei yangnyu ja danghen hatü nüngmü den kü nyuhen. Nüngei ha leshi nüng shing nyuhen ngei kü sheühshihma. Amen. Johan 3:16

Laihing ietuh, nyihjeih Kahvang mü eteituh.